



pendulamque facere semper conatus est. Qvales qvantæ etiam semper fuerint machinationes Satanicæ adversus fundamentum salutis, minus tamen Ecclesiam prævalere potuerunt; Fides enim Patrum V. T. & nostra in N. T. eadem est, Act. 15, 11. coll. 4, 12. Patres V. T. verum Messiam sicuti & nos in N. T. Θεάνθρωπον crediderunt, & hoc ex Prot-Evangelio Gen. 3. Imò omnia scitu ad salutem necessaria, Veteres ex Prot-Evangelio catechetica informatione & manuductione haurire potuerunt. Et quidem 1) Justificationem hominis peccatoris coram Deo consistere in remissione peccatorum, imputatione justitiæ Christi, & istud ex his verbis: *Morte morieris*, quod testatur decretum Hierosolymitanum Act. 15, 11. coll. Esa. 53, 5. Per vulnera ejus sanati sumus. 2) Messiam esse, vel futurum esse Θεάνθρωπον verum Deum & verum hominem. Verum Deum, ex verbis: *Conteret caput serpentis*. Verum hominem ex verbis: *Conteret eidem calcaneum*. Hæc enim contritio continet plagas, à Satana serpente antiquo ipsi femini mulieris in propriâ personâ infligendas tempore passionis, ubi le-